

INUIT ATAQATIGIIT

INATSISARTUNI



1.marts 2024

UPA2024/50

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

**Isertitat annertussusaat malillugit utoqqalinermi soraarnerussutisiat
ilanngarneqartarunnaarlutilluunniit atorunnaarsinnejqartarunnaarsillugit,
Naalakkersuisut utoqqalinersiaqarneq pillugu Inatsisartut inatsisaannut
allannguutissatut siunnersummik suliaqarnissamik peqquneqarnissaannik
Inatsisartunut aalajangiiffigisassatut siunnersuut.**

(Inatsisartunut ilaasortaq Mariane Paviaisen, Inuit Ataqatigiit)

Tunngavilersuut:

Ullumikkut sulisinnaasut tamaasa pisariaqartippagut siunissamilu pisariaqartitsinerput milliartortussaanani. Utoqqartagut ukiorpassuarni sulereerlutik soraarninngortut ataqqissavagut inuaqatigiinnullu tunniussaannut qutsavigalugit. Utoqqartagulli suli sulisinnaasuseqarluartunik ilaqparyt, taakkuukkaajuppullu piginnaasanik misilittakkanillu nalituunik pisariaqartilluinnaklatsinnik pigisallik. Taamaattoq sulirusussusaat killilerneqartarpooq. Tassami inatsit ima sanaajuvooq; utoqqalinersiaqartut utoqqalinersiamik saniatigut sulinikkut isertitat aalajangersimasut angugaangamikkit utoqqalinersiaannik ilanngartuunneqalertarput. Tamanna akuerineqarsinnaajunnaarnikuovoq, tassami utoqqartagut suli sulisinnaasut isertitaqalersullu ilanngartuuttarnersisigut sulinissaq imminut akilersinnaasutut isigiunnaartarpaat. Taamaalilluta utoqqaat piginnaasaat ilisimasaallu annaasarpagut aammali utoqqaat imminut napatilluarnissaminnut periarfissinneqanngitsoortarput. Tamanna qaangertariaqarparput, utoqqartatta ukiualuit suli sulisinnaasutut misigisimatillutik sulifimmi suliinnarsinnaanerat periarfissaajuartariaqarpoq. Ilami suna pillugu nunaqqatitta sulerusukkaluarlutik sulisinnaasusaannik killilersuissaagut? Suna pillugu inuit sulerusuppata pisinnaatitaaffiinnik piiaaffigissavagut? Misilitakkat annertuut ilisimasallu pingaaruteqarluinnartut aningaasanik nalilersorsinnaavagut?

Utoqqaat utoqqalinersiami saniatigut isertitaqarsinnaanissaat killilersorunnaarniartigu, utoqqartatta namminneq piumassusertik aallaavigalugu sulisinnaasutut misigisimasussaat killilersorunnaarniartigu, pisinnaatitaaffiannik piiaaffigiunnaarniartigit taamaalillatalu utoqqalinersiaqarsinnaatitaanerup saniatigut aningaasanik isertitaqarsinnaassusaannik killilersuijunnaarniarta. Taamaalillunga siunnersuutigaara utoqqalinerisaqalernermi aningaasarsiaritinneqartartut saniatigut sulinikkut isertitaqarsinnaaneq killilersorneqarani akerlianilli utoqqaat aningaasarsiorsinnaanerat annertusarniarlugu utoqqalinersiaqarnerup annaasaqaataasaanerata maannakkumut atuuttup

INUIT ATAQATIGIIT

INATSISARTUNI



peerneqarnissaanik Naalakkersuisut UKA2024-mi saqqummiusseqqullugit peqquneqassasut.

Partiit isumaat tusassallugu qilanaarpunga, Qujanaq.

Pisortanut aningaasatigut allaffissornikkullu kingunerisassai:

A/C fuldmægtiget marluk ukiup affaanni suligasuarnissaat 1 mio. kr-nik akeqassasoq naatsorsuutigineqassaaq. (Uani aningaasartuutaasinnaasut pillugit Naalakkersuisunut §37-i tunngavigalugu apeqqutinik nassiussisoqarnikuovoq, akissutissaallu suli utaqqineqarpoq.)

Namminersortunut aningaasaatigut allaffissornikkullu kingunerisassai:

Soqanngilaq.

Innuttaasunut aningaasatigut allaffissornikkullu kingunerisassai:

Innuttaasunut iluaqtaasaaq utoqqalinersiaqaannarsinnaaneq aningaasarsiolunilu ingerlagasuarsinnaaneq periarfissaalerpat utoqqartagut piumassusillit suli suliffimmi sulisinnaasut sulissapput, allaffissornikkut naatsorsuisaqattaarnerup peerneqarneranik kinguneqarpat aningaasanik allaffisornerup iluani sipaarutaanngitsoornavianngilaq.